



14. februar 2022

UPA 2022/76

Inatsisartut ingerlatsinermut maleruagassaasa § 33 tunngavigalugu Inatsisartunut ukuningga aaliangiiffigisassatut siunnersuuteqarpunga:

Inatsisartut aalajangiiffigisassaattut siunnersuut Naalakkersuisut peqquneqassasut nalunaarusiamik sanassasut, innuttaasut kærftimik suussusersineqarnikunut imaluunniit nappaat inuunermik ilorianartorsiortitsisinnaasumik peqaraanni aningaasatigut toqqissisimanissamik qanoq qulakkeerinniffigisinnaanerigut. Nalunaarusiaq nappaammik eqqugaasut aningaasatigut eqqugaanermi misigisimasaannik imaqassaaq aammattaaq nappaammik eqqugaasimasup ilaquataasullu aningaasatigut ikiorserneqarnissaanik periarfissaasa maleruagassaanni aporfiusut periarfissaasullu. Nalunaarusiaq UPA 2023 paalitsinnagu Inatsisartunut tunioraanneqareersimassaaq.

(Inatsisartunut ilaasortaq Nivi Olsen, Demokraatit)

Tunngavilersuut

Tamatta nappaatinut ulorianartunut eqqugaasinnaavugut. Assersuutitut taaneqarsinnaavoq ukiut tamaasa 170 misserisaat kræftimik suussusersineqartarmata¹. 2018-mi maani nunatsinni inuit 136 nappaassuarmut taassuminnga toqquteqarput². Ilaquttatsinnik qanigisatsinnilluunniit maanna nalunngisaqarpugut nappaassuarmik taassuminnga eqqugaasimasumik. Nammineq oqaluttuaannarporluunniit aliasunermik ernumanermillu pilersitsisarpoq – nappaassuarmik eqqugaasunuinnaanngitsoq kisianni aamma qanigisaasunut.

Siulleq annertullu ernumaneq aneq tassaavoq nappaassuarmut. Katsorsarneqarsinnaava? Iluarsillunga katsorsarneqassaanga? Piffissaq qanoq sivilutigisoq suli pigaara? Taakku apeqqutit siullertut imminut apeqqutigineqakkajuttarput.

Taava ernumanerit takkuttarput, nappaassuarmik eqqugaasup ilaquataai ilanngullugit. Suliinnarsinnaavunga aningaasarsiorlungalu? Tamakkiisumik sulillunga? Ineqaannarsinnaavugut? Akiligassarpassuimmi?

Ernummatit taakku piulersarput. Tamanna ilumoortuusinnaasutut isumaqanngilanga, qularutigineqarsinnaanaviannigilarlu, siunnersuummi ajornartorsiutit eqqaaneqartut annertusiartuinnartassammata. Ulorianartorsiorlutik napparsimasunut ikiuussinnaanerpup inuunermillu sivilsorsaasinnaanerput suli pitsanngoriartorpoq. Tamatta qiimmassaatigisinnaavarput, kisianni aamma isumaqarpoq pisussaaffeqartugut aaqqiissutinik ujartuissalluta ulorianartorsiorlutik napparsimasunut aningaasatigut toqqissisimanissamut ikiuussinnaanerpup qulakkeersinnaanerlutigu.

Taakku oqaaseralugit Naalakkersuisut siunnersuummut akissuteqaatissaat partiillu sinneriniik oqaaseqaatissat qilanaaraakka.

Pisortanut aningaasatigut allaffissornikkullu kingunissai

¹ [Neriuffik pillugu – Neriuffik](#)

² Kalaallit Nunaanni kisitsisit 2021 – Kalaallit Nunaanni Naatsorsueqqissaartarfik



Nalunaarusiamut aningaasartuutissat atorfillip ukiumut suliarisartagaasa affaat sinnernissaat ilimagineqanngilaq

Namminersorlutik inuussutissarsiuteqartunut aningaasatigut allaffissornikkullu kingunissai
Soqanngilaq

Innuttaasunut aningaasatigut allaffissornikkullu kingunissai
Soqanngilaq